



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანისის ქართული წარწერა



მე. მარის ავტოგრაფია.

საჰმადინის, ანისის ქართული წარწერა

ანისის ქართული წარწერა 1288 - ქართული ასომთავრული წარწერა - ეპიგრაფიკული საბუთი, რ-იც ამოკვეთილია ანისის ერთ-ერთი ქართული მართლმადიდებლური ეკლესიის სამხრ. კედელზე.

სამეცნ. წრეებში ცნობილი იყო 1910-იდან. წარწერის ფოტო, მონახაზი, ასომთავრული და გაშიფრული ტექსტი პირველად გამოქვეყნდა 1980. ეკლესია, რ-ის კედელზეც ამოკვეთილია წარწერა, ამჟამად თურქ. ტერიტორიაზეა. საქართველოვნების სახელმწ. მუზეუმის ფოტოთეკაში აღმოჩნდა წარწერის ფოტონეგატივი (N11653/1804), ხოლო ხელნაწერთა ეროვნულ ცენტრში, ი. ჯავახიშვილის პირად საარქივო ფონდში, ძლიერ დაზიანებული და ნაკლული

წარწერის ტექსტის სამი გადმონაწერი - ორი ნ. მარის ავტოგრაფია, ხოლო ერთი - ი. ჯავახიშვილისა.

წარწერის შესახებ არსებული მასალების ურთიერთმეჯერებით გაირკვა, რომ წარწერა შესრულებულია 23 სტრიქონად, გაბმული ტექსტი იკითხება მხოლოდ მე-16 - 23-ე სტრიქონებში; იგი წარმოადგენს საბუთს, რ-იც გაცემულია XIII ს. II ნახ. ანისის ცნობილი მოღვაწის, პარონ საჰმადინის (სამადინის) მიერ; საბუთი შეეხება ანისის მოსახლ., თუ მოსახლ. ნაწილის მიერ სესხის თუ გადასახადის გადახდას; ტექსტის ბოლოს დასმულია თარიღი - „ქრ(ო)ნ(ი)კ(ო)ნსა რჰდ“ ე. ი. 1288 წელი.

წარწერის ტექსტი მნიშვნელოვანია იმით, რომ მასში დასტურდება საქართველოსა და სამხრ. კავკასიაში მონღოლთა ბატონობის დროს გავრცელებული გადასახადები: თაღარი, ნამარი, თამლა, ყაფჩერი, მალი, იამი; აგრეთვე ტერმინები: ბაჟ-თამლა, თამლანი, თეთრი, თამლის ამოგდება და სხვ. ქართ. წერილობითი ძეგლებიდან მათი ნაწილი მხოლოდ ამ წარწერის ტექსტში გვხვდება.

ლიტ.: ს ი ლ ო გ ა ვ ა ვ., სომხეთის ქართული ეპიგრაფიკული ძეგლების გამოცემის შესახებ, «მაცნე». ენისა და ლიტერატურის სერია, 1980, № 2, გვ. 146 - 150.

ვ. სილოგავა
